

18 novs scrinaris e miradurs

Gievgia e venderdis vargau ha il Center da formaziun Surselva organisau las fiastas da diplomaziun 2021 dallas differentas partiziuns. Alla Scola professiunala industrialia ha il menader Marchet Notegen saviu surdar gievgia sera ils diploms a sis scrinaris e 12 miradurs.

Sin quei termin han biars giuvenils spitgau vess: Suenten in temps da scolaziun da treis ni quater onns han els saviu festivar la fin digl emprendissadi. La fiasta dalla scola professiunala industrialia ei stada ell'aula dalla claustra a Glion. *Marchet Notegen* ha surdau ils diploms a sis scrinaris e 12 miradurs che han dumignau cun success ils examens. Ulteriuras 30 emprendistas ed emprendists da differentes mistregns frequentan a Glion ils roms generals, a Cuera ils roms dil fatg. Els han retschert lur diploms alla Scola professiunala industrialia a Cuera. Il plaid festiv per la diplomaziun a Glion ha *Gion Giacun Spescha* fatg. El ei meinagestiu dalla scrinaria Spescha a Rueun e commember dalla cumissiun da cuors dall'Associazion grischuna dils meisterscrinaris. El ha gratulau als scrinaris e miradurs ed ha puntuau ch'els hagian elegiu dus dils pli vegls mistregns dil carstgaun. Numerus mussaments da lur inschign da construir hagian ins anflau en zonas archeologicas. Suenten in temps d'emprendissadi da quater onns hagian ils candidats finiu cun success lur scolaziun fundamentala. D'ussa naven seigi ei denton impurtont da restar el mistregn e da sviluppar vinavon gl'empriu, «nus duvrein vus», ha gl'oratur puntuau. (cdm/fmr/abc)

Diplomai, classa miradurAs

André Alves Gil, Flem, Erni AG Flem; *Lucas Daniel Azevedo Freitas*, Flem, Erni AG Flem; *Gian-Andrea Beer*, Trun, Beer SA Rabius; *Alexander Caduff*, Glion, Huonder GmbH, Mustér; *Fabrizio Cavegn*, Vella, Savoldelli Tanno SA, Vella; *Tino Coccia*, Rueun, Erni AG, Flem; *Simon Adriano Cristani*, Danis, Bianchi Bau AG, Sursaissa; *Lian Flepp*, Curaglia, Loretz SA, Sedrun; *Francesco Fratto*, Glion, L. Candrian AG, Glion; *Paulo Goncalves Figueiredo*, Mustér, Berther AG, Mustér; *Andriu Lombriser*, Rabius, Beer SA, Rabius; *Kimi Michael*, Flem, Erni AG, Flem.

Scrinaris

Christian Gruber, Flem (nota el rang 5.4), Scrinaria Camathias SA, Laax; *Levin Noe Cajacob*, Rabius, Cajacob, scrinaria, Sumvitg; *Rino Casanova*, Ruschein, Tarcisi Maissen SA, Trun; *Filipe Medeiros Lima*, Trin Digg, Casaulta GmbH, Sagogn; *Pierin Monn*, Sumvitg, Spescha AG, Rueun; *Cedric Zanin*, Mustér, Scrinaria Flepp SA, Mustér.